



Instrución 4/2020, da Secretaría Xeral de Universidades para iniciar o procedemento de avaliación do rendemento da fase de estadía do persoal investigador contratado ao abeiro do programa de apoio á etapa de formación posdoutoral, modalidade A, do ano 2018, que renunciou á ampliación do contrato da fase de estadía.

A Orde do 30 de abril de 2018 (DOG núm. 98, do 24 de maio), pola que se establecen as bases para a concesión das axudas de apoio á etapa inicial de formación posdoutoral nas universidades do SUG, nos organismos públicos de investigación de Galicia e noutras entidades do Sistema galego de I+D+i, recolle no artigo 6 do anexo I o procedemento de avaliación do rendemento para a fase de estadía das persoas contratadas con cargo á modalidade A deste programa.

De acordo con este artigo, un mes antes da finalización do contrato, as entidades beneficiarias terán que remitirle á Secretaría Xeral de Universidades un informe, xunto cunha memoria asinada pola persoa contratada e pola persoa responsable ou coordinadora do grupo, sobre o grao de cumprimento do plan de estadías. Este informe deberá vir acompañado dos certificados de ter realizado a estadía emitidos polos centros receptores.

Os contratos en vigor correspondentes a estas axudas están no ámbito de aplicación da Orde do 19 de xuño de 2020 (DOG número 128, do 30 de xuño), polo que a súa duración será ampliada 6 meses, que se deben realizar no centro de destino do seu segundo ano de estadía, como consecuencia da situación creada pola Covid-19.

Porén, as persoas investigadoras que non viron suspendida a súa estadía e continuaron o seu traballo no centro de destino e que optan por renunciar a esta prórroga de 6 meses para continuar co contrato de retorno, cómpre que se sometan á avaliación do rendemento durante a fase de estadía.

En consecuencia, o secretario xeral de Universidades no uso das competencias que ten atribuídas, dita a seguinte instrución:

1. Iniciar o procedemento que permita a avaliación das persoas investigadoras contratadas no Programa de axudas de apoio á etapa inicial de formación posdoutoral, modalidade A, da convocatoria do ano 2018 que se atopan a piques de rematar o seu período de estadía no estranxeiro e renuncian á prórroga de 6 meses, de acordo co procedemento establecido no artigo 6 do anexo I da Orde do 30 de abril de 2018.
2. Para tal fin, as entidades beneficiarias deberán remitir, con data límite do 5 de outubro de 2020, un informe acompañado dunha memoria asinada pola persoa contratada e pola persoa responsable ou coordinadora do grupo de investigación, sobre o grao de cumprimento do plan de estadías, no que se indicarán os períodos de estadías efectivamente cumpridos especificando, no seu caso, as modificacións producidas e a súa causa con respecto ao plan de estadías presentado coa solicitude Complementariamente, e para verificar o cumprimento do período mínimo de 21 meses exixido na fase de estadía, as entidades beneficiarias deberán remitir un certificado emitido polo centro ou centros





receptores no que se indique o período de tempo en que a persoa contratada permaneceu neles

3. Co obxecto de coñecer o rendemento científico acadado nesta fase, o informe da entidade beneficiaria e a memoria que o acompaña deberán describir o traballo realizado por cada unha das persoas contratadas así como o grao de adecuación das actividades desenvolvidas ao seu plan de traballo previsto para ese período. No caso de que se produciran modificacións sobre as previsións iniciais deberánse motivar e explicar a súa incidencia no proxecto presentado. A documentación presentárase en formato libre e a memoria deberá ter unha extensión de entre 2.500 e 4.000 palabras.

4. O informe, a memoria e a documentación complementaria serán avaliados pola Secretaría Xeral de Universidades, que poderá contar co asesoramento de expertos externos, e será preciso obter unha avaliación positiva e realizar un mínimo de 21 meses de estadía nesta fase para acceder ao contrato na fase de retorno.

Santiago de Compostela,

O secretario xeral de Universidades

José Alberto Díez de Castro

